


江寧府志

二十八下

漢書門			
二	九	八	類
四	八	一	架
八	四	八	冊

內閣文庫			
三	三	漢	
九	九	書	
四	八		
六	八		
架	冊	號	類

內閣文庫			
番號	漢	2398	
冊數	48 (39)		
函號	292	14	



康熙七年四月內布政司備祭品 鴻臚寺正卿加

一級周 主祭祭文云維康熙七年歲次戊申四月

丁巳朔越廿一日巳丑

淺草文庫

皇帝謹遣鴻臚寺正卿加一級周之桂致祭于

明太祖曰自古歷代 帝王繼天立極功德並隆治

統道統昭垂奕世朕受

天眷命紹纘丕基庶政方親前徽是景明禋大典亟宜

肇修敬遣耑官代將牲帛爰昭殷薦之忱聿備欽崇

之禮伏惟 格歆尚其鑒享

李東陽孝陵詩龍虎諸
山會車書萬國同星躔
環斗極王氣繞江東日月無私照乾坤仰聖功十年
瞻望地雲樹鬱葱葱徐渭詩二百年來一老生白頭

落魄到西京瘦軀狹路愁官長破帽青衫拜孝陵亭
長一坏終馬上橋山萬歲始龍迎當時事業難身遇
憑伏中官說與聽張如蘭先山色連雲暗松風半夜
寒虛墀人語細魏殿斗文 晉篆浮仙掌燈光影翠
巒干官瞻拜後
花露濕我冠

齊明宣陵明帝尊生母沈氏為太后葬幕府山俗呼國婆墳

齊明欽皇后陵在淳化鎮北南史明欽劉皇后葬江乘

縣張山

齊文惠太子陵葬夾石

齊海陵王墓

沈括筆談云慶曆中在金陵有農人以方石鎮肉視之若有鐫刻取石洗濯乃海陵王墓謝朓撰并書字畫如鍾繇

齊巴東公墓在棲霞寺側有丞相巴東獻武公碑

梁昭明太子安寧陵在東北四十五里賈山前

梁安成王墓在清風鄉

南史安成侯宣王僧孺劉孝標各撰碑可辨者一乃劉孝標也

梁始興王墓

南史梁始興王蕭綽墓在清風鄉黃城村有神道碑

梁臨川王墓在北城鄉

碑題梁故假黃鉞侍中大將軍揚州牧臨川靖王碑王名蕭宏

梁南康簡王墓在神泉鄉

二石獸高三丈地名石獅子石柱一題開府儀同三司南

康簡王碑王名蕭續

梁吳平忠侯墓在清風鄉花村

杜題梁故侍中中撫軍將軍開府儀同三

司吳平忠侯蕭公碑名景

梁建安侯墓在淳化鎮西

杜題梁故侍中左衛將軍建安侯墓名正

宋元懿太子殯宮在鐵塔寺法堂

西漢甄邯墓在後湖側

南史宋張永常開元武湖遇古塚得銅斗一有柄文帝詢之著

作郎何承天曰此亡新威斗王莽時三公亡皆賜之一在塚外一在塚內斗為天之疾舌皆取象焉時三

台居江左者惟甄邯為大司徒必邯之墓又啓塚內更得一斗復有一石銘云大司徒甄邯墓

吳甘寧墓在直瀆山下

舊傳墓有王氣孫皓惡之鑿其處為直瀆

晉山簡墓在樂遊苑內覆舟山之陰

溫嶠墓初葬豫章朝廷追思之乃為造大墓還葬幕府

山陽

郭璞墓在元武湖中

湖中有一天語亭韓國藩詠郭璞墓結句云莫因葬法知龍角天語

而今在上頭世傳郭墓在金山下未知孰是

卞壺墓在今朝天宮西

晉蘇峻之亂右將軍壺戰死二子珍疇同死難並葬冶城

開盜發塚壺面如生兩手悉拳爪甲穿背詔修治洪武中明太祖微行至朝天宮西見一婦人素服行哭

已而大笑太祖問曰夫人何笑哭之頻對曰吾夫子皆死是以哭然吾夫為忠臣子為孝子是以笑太祖

問墓所在指之曰去此數十步明日使人視之乃卞壺墓也乃為立廟曾拯詩握手顏公拳透爪歸元先

軫面如生晉陵伐掘今無主獨有忠魂占冶城

王導墓在幕府山西與宋明帝陵相近

顏含墓在靖安里

曾孫延之銘十四代孫真卿重書立石

謝濤墓在上元縣土山

陸玩墓在鷄籠山玩為太尉卒給兵千人守塚者七十

家子尚書令納亦葬此山

冥漠君墓

彭城王義康修東府城得古塚改葬東岡命謝為文祭之不知其名假為此號

惠連墓在宣義鄉與本業寺相近

靈運墓在上元縣本業寺張晉孫詩幾年夢草句難成一日春風艸自生來謁

荒墳空展轉小塘幸有謝公名

柳世隆墓在倪塘世隆曉術數于倪塘創墓與賓客踐履每往常坐一處及卒墓正其坐處

劉歙墓在青龍山虞炎詩下帷聞昔儒窺園信且逸聚學叢烟郊樓遜事環華戢景謝歸年

稅駕空悠日庭露已沾衣松門向蕭瑟憫憫神念周陵曲臺垂帷茂淵道善誘宗學原鳴鍾霽幽抱仁人

但宛洛清徽夜何早歲晚松陰結平原亂秋草不有至言楊終滯西山老竟陵王蕭子良詩漢陵淹館蕪

晉矜涿風缺五都聲論空三河文義絕典禮邁前英談元踰往哲明情日夜深徽音歲時減垣井總已平

烟雲從容齋爾欲牛山悲我悼驚川逝蕭子隆詩升堂子不謬問道予未窮如何舜白日千載隔音通山門一已絕長夜緬難終初松切暮烏新楊摧曉風

向蕪密泉途轉鎖空柳憚詩西河寂高業北海

清塵曾徽誰與寄尚德在伊人遺文重昭晰絕緒

紛淪露華向朝日蘭生無久春芳猷動淵思撫軾

高辰山風起寒木野雀亂秋椿壟草時易宿素軌

難遵沈約詩表問欽逸軌式墓禮貞魂化途終渺默

神理暖猶存塵駕未輟幌高衡已委門日蕪千雲舍

徒望董生園華陰無遺市楚席有靈樽幽泉倘能慰長夜且勿論

裴邃墓子之禮梁黃門侍郎邃有廟在光宅寺西松栢

鬱茂范雲廟在三橋蓬蒿不剪武帝南郊道經二廟顧而嘆曰范為已死裴為更生大同初都下旱

司馬子產墓司馬高梁正員郎丁父子產艱衰毀甚廬墓側日進薄麥粥一升墓在上元縣新林

連接山阜舊多猛獸高結廬數載豺狼絕跡常有兩鳩栖宿廬所馴狎異常承聖中除太子庶子

王僧辨墓在方山僧辨為陳霸先所害父子七人同瘞一穴宣帝天嘉中故吏衛卿許亨抗表請以家財造

墓葬之

唐顏尚書墓

在縣來蘇鄉後顏柳舊謂魯公非也考之魯公上世多葬金陵延之子峻等皆歷尚書

張懿公墓在金陵鄉石頭城東北

有墓碑南唐張居詠也

宋王安石墓在半山寺

范成大詩百歲誰人巧拙一丘底處虧成半世青苗法意當年

雪竹詩情

李邕墓在青龍山

邕臨江人知真定府金兵破城不屈而死贈昭化軍節度使

楊宗閔墓在鍾山鄉

宗閔代州崞縣人建炎初金兵犯恩今老矣惟有死耳城陷血戰而死贈

太師魏國公謚忠介子存中收葬鍾山

節度王璋墓在鍾山鄉

葉祖洽墓在上元縣鴈門山

張孝祥墓在上元縣清果寺

明中山王墓在鍾山之陰

王姓徐名達鳳陽人年二十從明高帝起兵滁陽授鎮

撫時諸將崛起無適主王首先與戴眾心乃服丙申從定建康下京口毘陵寧國宜興諸郡丁未克蘇州縛張士誠以歸洪武元年加中書右丞相信國公兼太子太傅克樂安遡河入汴洛嶠函郡縣望風降附遂入元都二年征臨洮李思齊不戰降西征平涼獲張良臣斬之陝西悉平拓境極於西北始還進魏國公食祿五千石十七年鎮燕召還明年二月卒年五十四贈中山王謚武寧賜葬高帝親為神道碑文

開平王墓在鍾山之陰

王姓常名遇春懷遠人初歸明

敢先登帝麾王前即挺戈大呼一躍而登敵披靡潰去遂拔采石取太平丙申敗蠻子海牙江中攻建康先登從徐達克鎮江再攻常州戰牛塘擒偽吳健將張德援南昌遇彭蠡湖射中敵梟將張定邊友諒喪

魏退保鞋山旬五日友諒食乏求戰帝及遇春舟皆膠沙力戰得脫竟殲友諒又敗張士信于舊館明年擒士誠封鄂國公副大將軍北伐破元都定中原皆先登所過輒下師還次柳河川卒年四十上震悼親為文以祭賜葬詔宋濂撰神道碑

岐陽王墓在鍾山之陰

王姓李名文忠肝貽人明高帝甥初賜姓朱統兵援池州攻下

太平取嚴州授帳前總制親兵都指揮使守嚴州出奇破苗獠仍置馘筏上順流下以讐賊苗將蔣英劉鎮降遂拔紹興諸暨馳擊李明道謝再興等皆破擒之遂築新城五指巖下李伯昇寇新城兵勢甚銳文忠馳禦犯其鋒敵披靡奮擊大破之丙午總水軍下江浙復姓李洪武元年平閩賊詔為大將西援慶陽三年復總兵北伐出野狐嶺遂克應昌班師封曹國公十六年兼領國子監事明年卒年四十六追封岐陽王謚武靖詔董倫撰碑文

東甌王墓在鍾山之陰

王姓湯名和鳳陽人高帝居滁陽王麾下時諸將驕蹇不用命

獨和恭謹受約束帝委任焉授管軍總管陳也先寇太平矢中左臂益奮擊卒擒也先方谷珍據温台諭降之乘勝下福州獲陳有定平大同宣府封中山侯四年破蜀十年加封信國公討平五閩山獠賜第鳳陽尋諭築海上城起登萊抵江浙凡五十九處二十一年歸鳳陽明年卒年七十贈東甌王謚襄武賜葬

斬國公墓在幕府山

公姓康名茂才斬人元末結義兵為都元帥明太祖渡江茂才以麾

下降拜水軍翼元帥陳友諒將犯建康高祖齊諭茂才曰汝素善友諒可誘之速至茂才家有老閻者嘗事諒乃為書諭納款意友諒得書喜問康公何在曰守江東橋問何橋對曰木遺閻者歸余某日至江東橋呼老康必余應也茂才以書上太祖命易橋以石友諒至見橋驚知茂才給已復連呼老康亡應者兵遂潰又從征下齊魯闕隴鎮河中節制太原諸城再征漢中卒追封斬國公謚武毅賜葬

東丘郡侯墓在縣南五十里水橋

侯姓花名雲懷遠人明初守太平陳友諒

人寇城陷不屈死妻郗氏赴水死侍兒孫氏瘞郗氏抱子焯匿水中七日不死遇老父與之偕行建金陵

明太祖寘兒于膝曰此將種也授水軍左衛指揮僉事洪武七年偕孫氏至太平奉母部夫人骸歸乃束草像父加以衣冠合葬於此宋太史濂爲墓碑

江國公墓在鍾山之陰

公姓吳名良定遠人與弟禎俱以勇畧稱取滁和常爲先驅及渡江取太平定建康克鎮江常州功居多張士誠據姑蘇跨有淮東浙西江陰當其衝士誠又多變詐以金帛陷將士良繕城池嚴步伍敵不敢犯洪武三年封江陰侯卒贈江國公謚襄烈賜葬

海國公墓在鍾山之陰

公姓吳名禎良之弟郭子興駐和陽孫德崖來就食與子興有違言兵鬪城中太祖急呼禎整兵以入得不亂克采石破方山寨爲總管洪武三年封靖海侯大軍所在禎由登州轉餉兵食充足海上有警領兵至琉球大洋俘倭賊以歸卒贈海國公謚襄毅賜葬

滕國公墓在鍾山之陰

公姓顧名時濠人從渡江屢立戰功授同知天策衛事從大將軍北定燕薊洪武三年封濟寧侯擒蜀明昇後鎮北平十二年卒贈滕國公謚襄毅賜葬

安陸侯墓在鍾山之陰

侯姓吳名復合肥人甲午從克滁州授千戶累立功陞僉大都督府事封安陸侯十六年卒謚威毅賜葬

許國公墓在鍾山之陰

公姓王名志濠人從克和州定金陵圍常州先登陞右副元帥從征高郵下黃梅楚友諒於彭蠡征武昌廬州安豐有功授親軍指揮使守六安北伐中原從馮將軍取懷慶澤潞畱守平陽移漢中洪武三年封六安侯卒贈許國公謚襄簡賜葬

靜誠先生陳遇墓在鍾山之陰

賜葬有傳

太常寺卿呂本墓在鍾山之陰

本壽州人來歸丙午爲中書掾史歷吏部尚書除太常卿十四年卒賜葬

知府高復墓在縣境

復字再興山東臨邑人洪武初知常州府事爲政有惠愛旱禱于城隍夜夢神告曰雨至矣天明果大洽歲登民頌其德改吉安同知復知常州以老疾辭賜半祿贍之卒勅

陵墓

葬

都御史丁璿墓在崇禮鄉有傳

尚書王敞墓在土山賜葬有傳

右都御史金澤墓在惠化鄉鍾山岡有傳

太子太保梁材墓在白山賜葬有傳

刑部尚書顧璘墓在彭城山賜葬有傳
顧璘卜得彭城樂丘漫賦買山初費賣文

錢預卜新丘古澗前舊日高人招隱地此生逆旅待終年烟霞寄傲深成癖去住忘情滯入禪白髮光陰

知幾許紫泉丹壑足黃緣

少司馬李喬墓在太平門外黃練岡恭人舒氏葬其右

太子少傅莊節公張可六墓在麒麟門外侯家塘賜葬

坦然先生周文煒墓在麒麟門鎖石邨

太僕卿方大美墓併元配王淑人合葬於上元縣秣陵

關之邵邨公子方拱乾戊辰進士館選第一廬墓三年艸衣木食翰墨為一時推重

南京國子監監丞黃居中墓在插花廟官山有傳

以上上元

宋孝武帝景寧陵在巖山見六朝事跡

宋少帝陵在南郊壇

前後廢帝陵皆在郊壇西太宗踐祚遷前廢帝何皇后

合葬龍山北龍山即巖山也

梁孝元帝陵在縣未詳所在陳天嘉元年詔梁孝元遺羅多難靈輓播越朕昔

北面有異常倫遣使迎接已次近路江寧既是舊學
宜即安卜車旗禮章悉用梁典依魏葬漢獻帝故事

宋孝武路太后陵在孝武陵東南

殷淑妃墓在龍山

齊豫章王疑墓在金牛山南

竟陵王子良墓在金牛山

梁文宣阮太后陵在通望山

陳張麗華墓在賞心亭天井中

曹景建詩伴侶聲沉王氣銷香魂血淚有誰招蓬科三尺光塵在猶作臺城花柳妖蔣主忠詩城外甲兵已合庭中玉樹猶歌三尺孤墳何處斷雲殘雨

南唐昭惠后懿陵未詳所在

後主詩又見桐花發舊枝樓州雨暮淒淒凭欄惆

張人難會不覺
泫然淚眼低

明張賢妃墓在牛首東高帝妃謚恭靖順妃荆憲王之
母

李順妃墓在吉山東北亦高帝妃謚悼熙麗妃

安王妃墓在石子岡南

韓憲王墓在安德鄉與灣塘相近里俗呼為韓府山

駙馬都尉梅殷墓在牛首

殷汝南侯思祖從子尚寧國公主恭謹有謀勤學問能騎

射常命提督山東學校帝稱殷精通經史堪為儒宗後成祖兵起公主移書阻之王不答兵至淮北與公主書言與兵不得已故令遷居太平門外勿罹兵禍公主亦不答殷既為譚深等所害有瓦刺輝者口外人久屬殷幕下憤深等害殷請於上割二人手足剖其心祭殷畢即自經死葬殷墓側

臨安公主墓在祝禧寺西南明太祖長女駙馬李祺合葬祺永樂初不朝賜死于江浦

福清公主駙馬張麟墓在七里舖東

南康公主駙馬胡觀靖難戰死事見表忠記葬牛首山下將軍山公主葬馴象門外賽工橋裔孫承廕官粵

死之

含山公主駙馬尹清墓在雨花臺南

汝陽公主駙馬謝達墓在安德鄉

常寧公主駙馬沐昕墓在泰北鄉

伍婆塚在丹陽西溪上

即古江寧境相傳伍子胥祖母墓至元溪上猶突然一墩上圓

徑丈高倍之林木叢翳為居人遊觀之所

吳諸葛恪墓在石子岡

恪為孫峻所殺投之石子岡今不知葬處

張悌墓在板橋西

晉王祥墓在縣西南八十里何湖側有斷碑

臧氏註云近姑孰

衛玠墓去城十里在新亭東

玠以天下亂扶母避建康妾容之盛觀者如堵卒年

二十七人謂被入看殺

阮籍墓在鳳臺下

周亮工贖鳳凰臺募疏有曰萬曆壬辰李公昭于鳳凰臺傍掘地得石碑

半段曰籍之墓已又得半段曰晉賢阮始知此地為籍墓後有人窮之多得殉物莆田姚旅曰楊朗陵鳳臺晚眺詩云秋嫩朋儕杖具游鳳凰無跡刺雲流臺縫古佛遲千月酒狎高賢卧一丘正指籍墓也近秋浦劉廷鑾金陵問墓詩阮籍墓有幾時到金陵倘悅存一丘之句皆明驗也又云亮幼時聞之家大人云

今在氏文園小土阜者籍墓也

謝安墓在城南梅岡墓前有無字碑

漢晉紀事云安墓前無字碑為其功

德難述按南史郡吏南陽樂藹與沈約書請為碑文答曰安石素族之白輔時無麗藻迄乃有碑無文蓋謂此也南唐書云梅贖岡相接處即謝安墓

河內山玩墓在瓦官寺

王濛墓在高亭湖側

宋劉穆之墓

元嘉二十五年車駕幸江寧經穆之墓詔致祭

梁吉翰墓在吉山

朱异墓在巖山前

南唐韓熙載墓在梅岡

碑有

宋楊忠襄公邦乂墓在聚寶門外

游九言墓道碑畧云

其有恥心也孰不好生而惡死寧死弗顧者為其無以自立于天地間有重于生故也如其不恥則大丈夫不足為難而名義不重矣宋楊萬里三月三日上忠襄墳詩草藉輪蹄翠織成花園巷陌錦幃屏早來指點遊人處今在遊人行處行淮山脚下大江橫御柳梢頭絳闕明覽盡山川更城郭雨花堂上大奇生遊人不是上墳回便是清明禊事來最苦相逢無處避天禧寺及雨花臺女唱兒歌去踏青阿婆笑語伴渠行只虧郎罷優輕殺欄子雙擔草酒瓶粉搜孩兒活逼真象生果子更時新輪贏一擲揮閑事空手入城蓋殺人

李琮墓在板橋西龍口山

李耕墓在江寧鎮王家莊

李回墓在江寧鎮西官山

贈少師平海軍節度使王福墓在新亭鄉

戚方墓在城南高座寺後高宗時 武將

秦鉅墓在處真鄉移忠寺側

尹起莘墓在新亭鄉印塘村

秦檜墓在江寧鎮南至今翁仲尚存行道過者無不唾

其年俾被掘發去石數重有水池浮巨段木其中

少動輒橫撞有巨聲竟被盜發夫賊檜垂死為計

深遠如此其愛妾塚在墓側亦為盜發就中得金寶

甚多宋楊萬里宿牧牛亭詩函關只有一樓侯瀛館

寧無再帝丘天極入重心未死台星三點屏方休只

看壁後新亭策恐作移中屬國羞今日牛羊上丘隴

不知丞相 更噴否

劉叔亮墓在雨花臺側

通孟頫登雨花臺弔故人劉叔亮墓雨花臺上看晴空萬里風

烟入望中人物車書南北一江山襟帶古今同魚龍

木蟄霜先殞鳳鳥不鳴江自東綠髮劉伶曾醉死往

明寧河王墓在城南西山之原

王姓鄧名愈虹人年十

六率眾來歸克管軍總

管從定金陵陞元帥已亥畧浙西臨安移鎮饒州偽

漢數遣兵叩攻城王輒殲之丑率眾襲浮梁取樂

平饒境悉以武元年以御史大夫充征戎將軍封衛

綏輯得宜以征南將軍討土番烏思藏窮追至崑崙

國公五年以征南將軍討土番烏思藏窮追至崑崙

山召還至壽春卒年四十一贈寧河王諡武順賜葬

黔寧王墓在長泰北鄉

明高祖憐之撫為子賜姓朱年

十八授帳前都督守京口元年取鉛山崇安遂從大

將軍克延平擒陳友定復姓沐伐蕃部川藏抵崑崙

山俘獲還封西平侯討雲南平之十五年烏撒東川

陵墓

號國公墓在城南聚寶山

公姓俞名通海巢人父廷玉

及聞明太祖駐和陽走歸款時方規取金陵得水軍甚喜率師至巢湖拔寨蠻子海牙陳兆先之戰皆火攻敗其眾攻鎮江常州宣城敗呂珍與吳戰中流矢右目失明從征友諒大戰鄱陽湖以七舟深入敵寨鏖戰飄颻遠出敵舟傍軍中歡呼氣益奮遂殲友諒班師守廬州繕城池典農田從征西至滅渡橋中流矢卒贈號國公謚忠烈賜葬

越國公墓在城南十五里

公姓胡名大海虹人甲午謁明太祖為前鋒從入和州攻

采石定金陵皆先登取徽嚴攻下蘭溪收諸暨衢處廣信皆全軍獨克授江南行省守婺州壬寅苗軍元帥蔣英以刺殺大海降士誠後杭州下縛英至京師命懸係刺英血以祭贈越國公謚武莊賜葬

梁國公墓在烏石岡

公姓趙名德勝鳳陽人馬上運槩如飛人呼為趙黑賜今名為帳前

先鋒從下和州渡江下金陵取廣德常州陳友諒犯龍江虎口城龍江第一關勝守之從朱文正取南

守宮步三門敵一門禦之坐門樓指麾

郢國公墓在鳳西鄉

公姓馮名國用兵亂里人推為義

金陵合上意從克和州渡江下采石典親兵擒陳兆先選其驍勇五百人置之麾下令入宿衛屏舊卒于外獨畱國用侍卧榻及攻建康國用率五百人先登送平之遷大元帥帳前都指揮使已亥攻紹興卒追

封郢國公賜葬

陝國公墓在聚寶山

公姓郭名子興濠人從明太祖渡

常州晝夜力戰衣甲生蟻彭蠡之戰賈勇先登斬獲數多陞僉事督府佐大將軍守潼關潼關三秦門戶也厲兵秣馬慎阨險安洪武二年封侯伐蜀巡北邊還十六年卒贈陝國公謚宣武

營國公墓在聚寶山

公姓郭名英濠人年十八從渡江

江陰皆有功大戰鄱陽英裏瘡奮擊射友諒中目陳同僉者敵之梟將也善運槩馳入中軍明太祖方坐

胡床呼曰郭四為吾殺賊持鎗躍馬應手而斃解赤戰袍衣之曰尉遲敬德不汝過也洪武十九年封武定侯充靖海將軍靖難後罷歸第永樂元年卒贈營國公謚武襄

沂國公墓在太平門外

公姓金名朝興巢人洪武十二年封宣德侯征雲南卒賜葬

芮國公墓在鍾山之陰

公姓楊名璟合肥人洪武三年封侯從大將軍鎮北平卒賜葬

當塗縣男王愷墓在雨花臺側

愷同越國死金華之難

汝南侯墓在鍾山之陰

侯姓梅名思祖夏邑人徐達攻淮安時以張士誠中書省右丞

降從平浙西復從取山東北平河陝破王保保洪武三年封汝南侯平雲南署布政司事民皆安之十五年卒

賜葬

夏國公墓在安德門外普化寺北

公姓顧名成湘潭人徙江都丙申來歸充

帳前親兵常執蓋侍出入從平蜀亂雲南皆有功道征五開六洞年除

定被執則成祖解其縛迨至北平後以功封鎮遠侯卒贈夏國公謚武毅

蔡國公墓在城南十五里

公姓徐名忠永樂中賜葬大學士楊士奇撰神道碑

鄆國公墓在聚寶門外

公姓宋名晟永樂中賜葬

平江侯墓在大山之原

侯姓陳名瑄合肥人父聞謫戍遼陽侯請代原戍從征累功陞

督府僉事靖難兵至以舟降封平江伯永樂初督舟師海運歲米百萬石置倉直沽尹兒灣城天津衛備兵戍守又起高丘嘉定為運表識名寶山既開會通河罷海運建議造淺艇二千艘歲運二百萬石後增至五百萬石疏清江浦引水由管家湖入鳴陳口造淮就湖傍築堤十里以便引舟浚儀真瓜洲通潮盤呂梁百步二洪石平水勢開泰州白河通大江築高郵湖堤堤內鑿渠亘四十里濱淮作常盈倉五十二貯江南輸稅徐臨清德州皆置倉以便轉輸又濱置舍五百六十八所舍置淺夫膠處俾導舟緣河堤鑿井樹木以便行人明代言漕運者皆莫及卒贈侯謚恭襄

安遠侯墓在安德鄉 侯姓柳名斗

隆平侯墓在朱門山 侯姓張名信

沂城伯墓在鳳臺門東 伯姓趙名彝

懷遠侯墓在板橋 侯開平王孫嘉靖中續封

瑞安侯墓在聚寶門外鳳臺街 侯姓王名源

豐城侯墓在吉山東南 侯姓李名彬

武靖伯墓在雨花臺 伯姓趙名

南寧伯墓在安德門外 伯姓毛名

太子少保唐鐸墓在南十五里 鐸鳳陽人賜諡

丹陽男孫炎墓在聚寶山不詳其處 有傳

太常卿杜安道墓安德街東

韓成墓在吉山 成死鄱陽之戰康郎山祠功臣以成為首

文學博士方孝孺墓在聚寶山側 公寧海人受知明高帝建文時為文學博士

士靖難後文皇命草詔不屈磔死焚其族門人王稔輩收遺骸葬聚寶山或曰土人以菴竊葬萬曆十九年祠部應蛟湯顯祖為文立石表其墓宗伯王弘誨趙用賢暨坊祠祀之而經營其費者徐鯨也按吾

學編收孝孺骸者都督廖鏞葉向高方正學先生祠墓詩燕歌一夜滿都城大內累恩火徹明無復看書

延侍講仍傳天語勞先生兩朝事往君恩在十族烟銷詔草成為問精靈何處是雨花臺畔子規聲徐穎

正學先生墓赤鳳焚巢尚覆雛一坏翻荷王恩殊冶城無鐵鑄肝胆石甃何人藏髮膚信史直須求草野

鴟夷幸不殉江湖空憐粉壁多生氣難繪當年負展圖

淳泥國王墓在石子岡 永樂中來朝卒賜葬於此

江寧府志 卷二十八 陵墓

太常卿康爵墓在新亭南

學士張益墓在鳳西鄉西庫村 公正統十四年卒于土木之變成化乙巳季子

太僕寺丞翔始具公衣冠葬此震澤紀聞翔以官之土木設祭夢其父索紅沙馬已天明廐內紅沙馬暴死歸詢之父老父老云此即其父死地死時所乘乃紅沙馬也

太子少保周瑄墓在安德鄉 賜葬有傳子布政

太醫院院 反等用文墓在鳳西鄉塘下山 有傳

太子少保童 墓在鳳臺岡 賜葬有傳

禮部尚書倪謙墓在新亭鄉 賜葬有傳

少保倪岳墓在新亭鄉堽墓村 賜葬有傳

南京刑部尚書張瑄墓在唐家山 賜葬有傳

南京古都御史張琮墓在鳳西鄉 賜葬有傳

太保王以旂墓在白山 賜葬有傳今縣東南與幽棲山近非上元白山也

友菊處士賀確墓在鳳西鄉 有傳

兵部侍郎俞綱墓在聚寶門外禾山南

南安知府金潤墓在長泰鄉子刑部侍郎金紳祔葬墓

側有傳

刑部尚書翟瑄墓在新亭鄉 有傳

太常卿翟瑛墓在新亭鄉 有傳

叅議王徽墓在長泰鄉祖堂原 有傳

戶部尚書吳文度墓在石子岡 有傳

叅議朱貞墓在鷓子山

有傳

右布政倪阜墓在小邵村

有傳

叅議凌文墓在安德鄉子知州雲翰祔葬

有傳

叅議李昊墓在鳳西鄉李家庫

有傳

叅議羅麟墓在鳳西鄉磨店村

都御史陳鎬墓在鳳西鄉弟廣東提學副使欽並葬

有傳

太僕卿陳沂墓在安德門外岔山口

有傳

給事中魯昂墓在夾岡門耿澗村

知府姚昺墓在安德鄉

金冕墓在安德門外

冕字彥端有學行孫琮字元玉為南畿名士

贈監察御史羅富墓在賈家山

富少負才氣累舉不售遂絕意仕進以子鳳貴

贈官孝友尚義羅圮謂其為陳郭之儔云

副使顧瓌墓在石子岡

有傳

僉事陳鳳墓在安德鄉

有傳

吏部郎中王鑾墓在石子岡

有傳

太僕少卿王韋墓在吉山

有傳

僉事徐完墓在小畱山

有傳

僉事李旻墓在新亭鄉鷓子山

布政使吳彥華墓在新亭鄉

贈監察御史邵信墓在鳳臺門外西庫村

江寧府志 卷之三十一
中都副留守梅純墓在安德鄉有傳

監察御史蔣達墓在夾岡門

工部主事何遵墓在安德鄉有傳

龐孝子景華墓在鳳西鄉有傳

學憲姚履素墓在安德鄉有傳

禮部侍郎殷邁墓在湖堰村白家湖之陰賜葬有傳

監察御史沈越墓在石子岡附葬贈監察御史琪墓側

琪世為江寧人有隱德著有瞻雲樓詩集

刑部侍郎吳自新墓在江寧鎮之銅山鄉賜葬有傳

副使顧國輔墓山有傳

太常卿許以墓在安德門外有傳

文端公焦竑墓在仙鶴門外皮家庫有傳

會元顧起元墓在雲臺山有傳

狀元朱之蕃墓在牛首山前大山有傳

贈八子少傅如蘭八人李氏墓在山南太白鄉

相國程國祥墓在安德門外北山

大學士文端如寵同夫人方氏墓在江寧之歸善鄉

江寧府志 卷之三十一 陵墓

大中丞余大山墓在白宕山有傳

文烈公汪偉墓在射鳥山石佛菴工黃華山會葬汪文烈公暨耿夫人詩

節人出事同心婦烈彰幽宮嘯虎高塚鴛鴦日沉青鏡悲風起白楊夜深環珮鄉攜手共翱翔

學憲王之瑞墓在仙鶴觀側王黃詩門人王馮徒跪走

觀因載潘潘子侍御柩同歸賦贈素旄單纓嶺表來

驚狂喜不勝哀丹心臣自留生氣白骨人誰問死

一年間孤子淚八千里外兩棺回因親及友

郎中李逢暘墓在安德門內有傳

不浮墓在牛首山之陰有傳

白雲先生陳昂在口口口

大清太子少保總督浙江部院趙公廷臣母高太夫人

墓一豐山口公性至孝事太夫人有會閱之行宦楚

熙五年疏請解任歸葬蒙諭旨權厝此地

萬曆丙辰科進士山東登萊道佟公卜年元配陳氏以

子大中丞國器貴 誥贈太淑人墓在鳳臺門象鼻

大中丞林公天擎元配劉淑人墓在牛首山之陽

贈朝議大夫劉應詔恭人鄒氏墓在鳳臺門子思敬整

議丁亥進士思問瑞州府同知壬午舉人

附魯肅墓相傳在上新河南岸圩田中今去江不遠土人耕田戒不敢犯云

梁棟墓在鳳臺門見金陵新志中

宋程偃孫墓在清涼寺後山偃孫伊川先生從裔也墓靖初地陷視其墓知為程墓云
以上江寧

周越王墓在大橫山下
王名翳安
王時葬

晉葛洪墓在縣西一里

有傳

紀瞻墓在東南二十五里

有傳

梁陶弘景墓在雷平山

有傳顧璘隱居墓詩云
俗無上善高賢葆清真圖牛憚為犧古

墓今猶珍松風有餘聽草露無長春徒使輕舉士依稀慕芳塵

唐顏真卿墓在縣東後顏村

明史部尚書曹義墓在荷塘山

陽葬

太僕寺卿張諫墓在福祚鄉

幼葬

以上句容

漢史崇墓在埭頭里

有晉永和唐貞觀一碑

陶謙墓在縣西南陶芥

有傳

萬彧墓在銀方山下

宋錢時敏墓在上墟村

以上深陽

周左伯桃羊角哀墓在南儀鳳鄉孔家鎮

伯桃哀戰國時燕人二人

為友聞楚王好士乃同去燕入楚值雨雪糧少伯桃并糧與哀令往事楚自入空樹中餓死哀至楚為士大夫言於王備禮葬之伯桃一日見夢曰吾為荆將軍所苦汝持兵冢上以助我哀泣曰吾持兵冢上安知汝之勝負乃開塚死從伯桃遂並葬焉

荆將軍墓在縣南四十五里

宋俞卓墓在縣西梁山有傳

明兵部尚書齊泰墓在縣南青絲洞有傳

以上
深水

南唐慶王墓在縣南十里

王名弘茂元宗第二子幼穎
異不喜戎事每晏遊以詩賦

為樂

宋魏良臣墓縣南十里地名南塘有傳

卞文宣公劬墓在相國圩西埂

以上
高濬

楚項羽墓在烏江

宋張孝祥墓在黃悅嶺東土乳山有傳

明南京吏部郎中文節公恭景墓在定山有傳

以上
江湘

唐陳融墓在棠邑鄉元中呂溫表其
諡曰貞晦先生

唐汾陽王郭子儀墓在盤城

宋文士徐彥伯墓在馬鞍山

彰武伯楊洪墓在竹鎮有傳

贈太常少卿忠節黃宏墓在靈巖山之陽有傳嘉靖間
禮部請於南

京工部動銀
六十兩修墓

兵部副使王弘墓在巴山有傳

贈刑部左侍郎李雲鵠墓在竹墩之北崇祀鄉賢

刑部左侍郎李敬墓在龍山懷賜葬以上六合

宅第

宋明帝舊宅在青溪中橋北卽位後改爲湘宮寺

齊武帝舊宅宋舊志今城東一里青溪上齊書帝諱頤太祖長子生

於建康青溪宅永明三年幸青溪宅

梁武帝宅在城東十五里同夏浦後爲光宅寺宋大明八年帝

生於秣陵縣同夏里二橋宅後卽位置同夏縣

吳張昭宅在秦淮南今聚寶門外

張悌宅在城南板橋

是儀宅在臺城吳志儀性儉門甚陋帝幸其宅麥飯

曰必非

諸葛恪宅在元風觀前

陶璜宅在石頭塢其地名陶家渚

晉陸機宅在越城西北舊志云臨淮有二陸讀書堂帶

秦淮屏鍾山最爲幽邃後機洛作懷舊居賦卽此

王導宅在烏衣巷南臨驃騎航今當在武定橋東晉記江左

初立邸耶諸王居烏衣巷導嘗使郭璞筮之卦成璞云吉無不利淮水竭王氏滅劉禹錫詩朱雀橋邊野

草花烏衣巷口夕陽斜舊時王謝堂前燕飛入尋常百姓家

謝安宅在烏衣巷驃騎航側桓靈寶之亂欲以安宅爲營謝鯤曰召伯之仁猶惠

及甘棠文靖之德更不保五畝宅耶靈寶慙而止蔡
宗且金陵賦前子立乎淮渚思驃騎之古航慕文靖
其既遠宅五畝其已荒念憩羨猶勿剪歌詩人之甘
棠李白詩青山日將暝寂寞謝公宅竹裡無人聲池
中有虛白荒庭衰草遍廢井蒼苔積惟有清風閒時時起泉石

謝尚宅在竹溪渡今下水門內永和四年尚捨宅造莊
嚴寺宋改名謝鎮西寺

謝萬宅在長樂橋東
紀瞻宅在烏衣巷瞻居東長史乞歸進驃騎將軍宅
側浮航遂名驃騎航

謝元宅在土山其地名康樂坊旁有謝元走馬路

郝鑒宅在青溪上

杜如宅在治城側地理志在端門外直蘭臺路東

帝后杜氏母裴乃杜弘治之妻

吳隱之宅在古都城南五里今雙橋門內所居內外茅

堂六間籬垣仄陋妻子不免寒露女嫁謝安移厨助
之使人至日高蕭

然乃令婢牽一犬入
市賣之其清操如此

劉劭宅在蔣廟東北名東山園

宋何尚之宅舊志在南澗寺側尚之廬江人爲丹陽
尹立私宅於南澗置社

學聚生徒東海徐秀廬
江何曇並慕道來學

顧愷之宅在官寺東北愷於宅內建層樓爲畫所風
雨寒暑不下筆必天氣明朗

時乃登樓
去梯妻子不見

沈慶之宅在古城東南十里今上方橋左右南史傳云慶之居清

明門外有宅四區室宇甚麗又有園在婁湖慶之一夕携子孫徙居之以宅還官柳元景造之鳴笳列卒滿道慶之挿杖而耘嘗賦詩云老朽筋力盡徒步還南岡

謝幾卿宅在城東南十八里幾卿免官居白馬

建平王劉宏宅在雞籠山宏年少篤好文籍愛之立第盡山水之美

齊竟陵王子良宅在蔣山子良行宅詩訪宅北山阿卜居西野外幼嘗悅禽魚卑性

美蓬蒼

蕭坦之宅在秦淮上

劉瑀宅在青龍山陽南史瑀居檀橋瓦屋數間上皆竟陵王子良表武帝為立第以檀橋地給之

周顒草堂在鍾山北顒隱居之所後出為海鹽令拾

為草堂寺孔稚圭作北山移文以譏之宋安不諱周顒宅作阿

蘭若婁約身歸宰堵坡今日隱侯身亦老偶尋陳迹到烟蘿

梁沈約宅在鍾山麓名東田南史約遷尚書令名谷雖隆重而居處儉立宅東

田矚望郊阜嘗為郊居賦以叙其事又嘗東園詩有權籬疎復密荆扉新且故之句雜詠集云約宅劉查贊之約報云惠以二贊詔采妍富便覺此地佳勝十位

范雲宅在城東三里臨秦淮何遜經范僕射宅詩旅蔡應蔓井荒藤已上屏

寂寂空郊野無復車馬歸漱灑故池水蒼茫落日暉遺愛終何極行路獨沾衣

伏曼容宅在府治西南三里

伏挺宅在古潮溝西北挺於宅中講論語時士大夫

聽者為之傾朝生徒常數百人

朱异宅在府城北

异及諸子自潮溝列宅至青溪臺池玩好歲時與賓客遊讌

到溉宅在縣東臨秦淮

謝靈運宅即康樂坊故居

靈運還故園詩浮舟千仞壑總轡萬尋巔流沫不足

林豈為閒夫子昭情素探懷授往編李白遊謝氏山亭詩淪老卧江海再歡天地清病問久寂寞歲物徒芬榮借君西池游聊以散我情掃雪松下去捫蘿石道行謝公池上草春光颯已生花枝拂人來山鳥向我鳴田家有美酒落日與之頤醉罷弄歸月遙欣稚子迎

王僧綽宅在縣治南古大社西周顛司馬秀蘇峻皆居

此禍敗目為凶地僧綽曰大丈夫當以正道自居何

宅之有凶吉

江總宅在清溪

江總宅在清溪

金陵故事南朝鼎族多夾青溪江令宅尤占勝地至宋段約居之總歲暮還

詩悵然想泉石驅駕出城臺既竹春前笋驚花雪後梅青山殊可對黃卷復時開長繩繫日濁酒傾一杯唐許渾詩身沒南朝宅已荒邑人猶賞舊風光芹根生葉石池淺桐樹落花丹井香帶暖山蜂巢画閣欲陰溪燕入書堂閒愁此地更南望湖滿臺城春草長宋徐照清溪閣本梁江總故宅詩葉脫林梢處處秋壯懷易感更登樓日斜鍾阜烟凝碧霜落秦淮水漫流人似仲宣思故國詩如杜光到夔州十年前作金陵夢重撫關干說舊遊

孫陽宅即對江總宅

陳韋載宅在白山下

江乘縣之北屏絕人事不入籬門者幾十載事

唐王昌齡宅近清溪

常建詩青溪深不測隱處唯孤雲松際露微月清光猶向君茅屋宿

花影藥院滋苔文余亦
謝時夫西山鸞鶴羣

冷朝陽宅在白下門外

韓翃送朝陽還宅詩落日澄江
鳥榜外秋風疎柳白門前橋通

小市家林沂山
帶平湖野寺連

南 建勳宅在青溪上

李建勳青溪草堂四興詩窓
外連水松杉欲作林自憐

冠地獨有愛閒心素壁
冠醉不簪江僧暮相訪簾捲見秋本

徐鉉宅在亭子橋園池甚盛

鉉宅有來賢亭宋裴迪詩
結亭意在來賢者誰慕清

風為
詩留

張洎宅在秦淮北岸洎

南唐參政時賜第

韓熙載宅在城南戚家

韓熙載見門巷里
陋謂曰秋隘
第耶明年

宋王安石宅在半山

石後捨為寺賜額報寧後過
故詩沂泚開新屋扶輿繞故園

事遺心獨寄路翳目空存
字書并無或為泚字之悞泚水流貌

楊德逢宅在蔣山近後湖自號湖陰先生

王直方詩
丹陽陳輔

清明上冢至蔣山過德逢居清談終日歲為常後頗
歲訪不遇題一絕於門云北山松粉未飄花白下風

輕麥脚斜身似舊時王謝燕一年一度到君家
王安石詩水護田將綠遶兩山掛闥送青來

蔡寬夫宅在青溪南宋貢院基是其地

南窓紀談云蔡
寬夫侍郎治第

青溪南穴地為池數尺見有瓦礫驚異又深尺餘有
釜鑊瓦錫器多破碎交錯仆壓於下竈下葦灰猶存
又窮其傍大抵皆人居也然後知其下前代為平地
經六朝喪亂瓦礫積而至此高岸為谷深谷為陵信
哉

王鑑宅在東山

汪膠宅在笄橋

秦鉅宅在江寧鎮南

明陳遇宅高帝三子焉今莫知所在

文僖張益宅在南門內正統初賜第

倪文僖謙宅在鐵作坊

巷不甚廣夾街皆鐵工列肆公與從出入肆上皆為起列公語

之曰汝吾鄉人也毋為我出入妨汝正業第坐為之後復起再語之始坐公稱長者類如此

倪宮保岳宅在崇禮街舊有宅在古鷺洲坊今宅有世

翰堂以公父子相繼為學士故云

金都憲澤宅在儀鳳門四望山宅後近山有翠雲亭公

讀書處

李叅議昊宅在新橋臨秦淮

王襄敏以旂宅在馴象門內有樂壽堂構以終養者

公為

南都御史每還宅值春秋遊人勝時恒迂道避之

論曰自孫郎創業于石城晉帝纘服于江乘宋齊而

下代有締造載在史冊由今追昔豈獨搜名勝紀故

實而已哉往迹未湮皆有關於民生治術焉蓋城名

范蠡霸業可尋墩號謝公遺勳為烈秦淮不竭乃著

烏衣烽火彌天猶傳白馬當其治也雖徙武昌之材

瓦不礙卑官及其亂也暫開東第之山池終非樂土

故茅茨可剪何須入漢之樓濠濮會心無事橫江之
 館臨春結綺君臣相謔昔之所以亡也大本延賢遠
 邇來歸昔之所以興也至若誦北山而謝逋客過西
 州而慟哲人徘徊南澗還吊尚之指點東籬未忘何
 點跡邀遂之步如聆遺音訪麾扇之津有懷芳躅豈
 徒渡江弄楫桃葉擅其風流澄湖溯波莫愁誇其艷

治已哉
 此之壘足
 與斷烟

嗟乎有成必毀無平不陂苟其可傳即死士
 以千秋如其不然雖瓊室璇題千門萬戶徒
 荒草同增感慨耳思古之士宜何擇焉

江寧府志卷之二十八終

